

欽定中樞政考

欽定中樞政考目錄卷之三十九

綠營

考試

武鄉會試三場限期

武鄉會試三場定式

武場弓力

硬弓張數弓墜筋重

武會試卷面鈐川關防

武鄉會試定用筆色

考場編列字號

武鄉會試內場查驗坐號稽查吏役

武會試開列監射等官

武鄉會試奏派御史稽查宣

旨職名

武會試派巡管叅領兵丁

武鄉會試分圍掣籤

武闈考試外場按省分排

外圍監射大臣不准歸私宅

外圖考試大臣不准多帶跟役

武舉中_弓後覆勘馬步箭技勇

磨勘各省武鄉試題名錄

武鄉會試錄開列親王書名

殿試開列稽察讀卷等官

殿試定式

殿試派出護軍各帶腰牌

殿試武舉開已違式罰停

殿試

殿試傳臚及一同下馬宴會武宴並內外場宣
旨各禮節

順天武鄉試開列監射等官

文鄉會試武鄉會試內場題派彈壓副都統

武鄉會試開列迴避官員

武鄉會試編好字號

武會試內場具奏事件

武鄉會試卷彌封

武會試中額

武鄉試中額

武舉重赴鷹揚宴

重赴鷹揚宴分別題奏

新中武進士賞賚

武會試筵宴奏派管宴大臣

外省武鄉試監射

巡撫主試武場停帶武巡捕

誤印試卷

武場試錄

金定川村正志 卷三十一
武闈派撥營弁

文鄉會試派撥營員

搜檢入場跟役

武職會同學政考試弓馬

武童驗對親供

武舉填寫親供

武生武舉捐職准鄉會試

武生考拔外委准武鄉試

千把等官准應武鄉會試

武生捐監准入文闈

武舉無故不會試

武生武舉六十以上停送鄉會試

在籍武舉緣事咨部斥革

會試武舉不到查追盤費銀兩

各省武童毋許濫行保考

武生告退考文

武生告頂

禁止頂替代倩

禁止冒籍

武生情願入伍食糧准其兼充

文生員監生不許入伍食糧

隨營武生兵生停止歲試

隨營武生加捐千把職銜仍照行伍例拔補

隨營武生過犯卽由營員辦理

入伍武生如革去名糧武生亦一併斥革

隨任子弟食糧

放出家奴出仕限制

軍流入籍考試

番役子孫應試限制

土子罷考

簽運武生補考歲試

武鄉會試三場限期

道光二年閏三月內奉

上諭順天武鄉試大典乾隆年間定於十月初五日
開弓十一日出榜至嘉慶九年始改爲十月初七
日開弓十二日出榜因思校藝時日自應稍從寬
裕嗣後順天武鄉試外場著仍照舊例於十月初
五日開弓十一日出榜著爲例欽此

一順天及各直省武鄉試均於子午卯酉年舉
行順天武鄉試於十月初五初六初七等日

考試馬箭初八初九初十等日考試步箭技
勇十一日將記註之武生復加挑選雙單好
字號凡挑入好字號武生名姓依箭冊內府
州縣次序總計若干人開列清單分圖出示
曉諭准入內場監試御史於挑選完竣後攜
帶卷箱卽日入闈查驗搜檢十三日主考入
闈十四日將武生點入內場考試默寫武經
畢卽令出場毋許住宿其各直省考試外場
日期及督撫武生入內闈考試默寫武經各

日期均照順天武鄉試之例辦理外場如遇
風雨准其展限一二日以免草率至會試武
舉於辰戌丑未年舉行兵部先期通行各直
省總督巡撫除武舉內有丁憂事故等項不
送外其餘各給文批盤費於四月以後八月
十五日以前赴部查驗真偽監射大臣等於
九月初五初六初七等日考試馬箭初八初
九初十等日考試步箭技勇十一日將記名
之武舉復加挑選雙單好字號凡挑入好字

號武舉名姓依箭冊內省分次序總計若干
人開列清單分圍出示曉諭准入內場監試
御史於挑選完竣後攜帶卷箱卽日入闈查
驗搜檢十二日收卷填寫籍貫履歷十三日
將試卷移送貢院外簾各官編號十四日將
武舉點名令入內場考試默寫武經畢卽令
出場毋許住宿其正副考官知武舉等官於
十三日入簾外場如遇風雨准其展限一二
日以免草率

武鄉會試三場定式

嘉慶十二年十月內奉

上諭御史陸言條陳武闈事宜一摺所稱地毯一項宜
統馬步箭覈算一條向來武闈鄉會考試均以馬步
箭中之多寡分別優劣其地毯一項原應併入總算
不得以地毯未中概行黜落等因欽此

嘉慶十八年七月內奉

旨國初開試武科多沿襲前明規制於馬步箭之外又
試以開弓舞刀掇石以驗技勇順治十七年旋將技

金匱要略卷三十一
勇停試至康熙十三年又議復踵行武場以騎射爲
重再試以硬弓掇石可以驗其力之強弱至舞刀一
項不足以分優劣本屬無謂嗣後武會試與各直省
武鄉試及武童試俱著將舞刀一項停止此次議令
滿洲蒙古旗人應武鄉會試童試所有考試馬步箭
並開弓掇石均著與漢軍漢人一體比較以昭公允
餘依議欽此

嘉慶二十五年十一月內奉

上諭武科規制於馬步射之外試以開弓舞刀

以驗技勇由來已久嗣於嘉慶十八年議令滿洲
蒙古旗人與漢軍漢人一體應試滿洲蒙古舊例
祇試馬步射硬弓遂將舞刀一事一律停止今思
技勇內旣向有舞刀一項滿洲蒙古士子自應一
體練習亦不迫以時日著自道光三年爲始凡滿
洲蒙古漢軍漢人之應童試者俱仍試以舞刀至
五年鄉試六年會試均已嫻熟一體考試以復舊
規欽此

一武鄉會試頭場試馬箭監立三大靶各離三

十五弓每人跑馬二回共射六箭再射地毯
一箭計七箭以中三箭者爲合式缺一者不
准考試步靶二場試步箭技勇步靶高五尺
五寸寬二尺五寸以三十弓爲則每人連射
六箭須直衝靶子中央者爲中其碰邊擦框
及中靶子根靶子旗者俱不算六箭內以中
二箭者爲合式監試御史用合式戳記印于
各武舉左右小臂准試技勇如缺一者不准
再試技勇技勇以八力弓八十觔刀二百觔

石爲三號十力弓一百觔刀二百五十觔石
爲二號十二力弓一百二十觔刀三百觔石
爲頭號弓必開滿刀必舞花石必離地一尺
弓力有能加重者聽亦不得過十五力三項
內必須有一二項頭號二號者方准挑入好
字號若俱係三號不准挑入好字號

一馬步箭弓力馬弓以二力爲率步弓以五力
爲率該武生武舉等於投文時先將弓力報
明註冊以備臨時抽驗如所用之弓力與原

報不符不准應試有能加重者聽

一 內場考試默寫武經由主考擬出一段約百餘字有不能書寫或塗寫錯亂及卷子倒寫者卽爲違式不得取中

武場弓力

乾隆四十五年九月內奉

上諭向來武鄉會試考試技勇內硬弓一項原以十二力爲頭號如果從容滿引已可中式卽力量較優亦不過加二三力足以見長乃近來士子每多熱中競勝且得失之念太重輒填註十七八力及至較試時類皆勉強從事并竟有不能者殊屬無謂嗣後考試武場硬弓務以滿足入轂爲度其註考冊內卽有能過頭號弓十二力以上亦不得過十五力著爲令欽

此

硬弓張數弓墜筋重

一凡遇武鄉會試先期行文武備院咨取硬弓
四圍正用十五力十四力十三力十二力十
力八力弓各一張共二十四張四圍備用十
二力十力八力弓各一張共十二張辰字圍
備用十五力十四力十三力弓各一張共三
張通共三十九張交兵部收貯臨場監射較
射大臣監試御史公同用弓墜較準監試御
史親爲畫押封固交提調官收管外場考試

畢原弓存貯兵部俟

殿試後再交本處領回

一凡遇武鄉會試行取武備院弓墜弓尺提調
官當堂較準帶至外圍應用其鉛墜一分計
大小十個共重一百八十五觔由工部製造
存貯武備院

武會試卷面鈐用關防

一武會試

派出知武舉後兵部將

欽命知武舉關防一顆交兵部司員齎送內場于各

卷面上逐加鈐印以杜更換

武鄉會試定用筆色

一武鄉會試內場閱卷主考應用赭黃筆其印
卷戳記一切俱用紫色

考場編列字號

乾隆五十四年七月內奉

上諭汪如洋奏各屬科試情形摺內有東帝二童生等
汝宣供出高鳳鳴越號求倩等語東帝二字自係東
文場帝字坐號然此等字面不宜編列號房名目該
學政何不檢點若此各省考試文場東西坐號向例
以千字文編排相沿已久如京師止用天地黃字等
字而應避之字向不列入外省恐皆一律編寫殊失
敬謹之道但坐號有限而千字文內字面甚多儘足

金史卷一百一十五 禮志三
三
數用豈可將帝皇等字編列卽以天元等字排入坐
號均非所以昭祇敬嗣後京師貢院以及各直省考
棚所有天元帝皇等字樣俱不得擬行編列將此
諭知之欽此

武鄉會試內場查驗坐號稽查吏役

一武鄉會試內場出題之日令監試御史偕同
提調官督率委官親入號舍挨次將試卷查
驗倘有坐號不對者立即嚴鞫究問治罪水
火夫役於白晝差使完後卽扃閉空閒房內
外加封鎖令委官嚴行稽察不許擅行出入
闌牆以外嚴飭巡緝員弁多派兵丁晝夜巡
邏以肅場規至受卷彌封所各執事吏役毋
得先期出場俟發榜後逐名放出

武會試開列監射等官

一凡武會試之年六月內兵部揀選滿漢司官
各二員開列具題恭候

欽點滿漢官各一員提調會試事務其外場監射大
臣將領侍衛內大臣滿洲大學士都統等職
名開列恭候

欽點四員會同兵部滿漢尚書侍郎等分閱考試並
將上科有無

欽派阿哥之處加籤聲明倘兵部堂官有出差事故

不敷分闈考試將各部都察院滿漢堂官職
名一併開列奏請

欽點四員公同考試其外場監試御史四員內簾監
試御史二員將滿漢御史通行開列知武舉
官一員將兵部左右漢侍郎職名開列倘兵
部漢侍郎有出差事故不敷開列將各部漢
侍郎職名一併開列內場正副考官二員將
內閣吏戶禮刑工等部都察院翰林院詹事
府漢堂官職名開列收掌試卷官將中書科

送到官員開列至受卷彌封印卷各官將兵
部漢司官派用巡綽搜檢監門供給瞭望等
官將門千總順天府屬等官派用兵部俱於
臨期密題請

旨

武鄉會試奏派御史稽查宣

旨職名

嘉慶十五年十二月內奉

上諭曹師曾奏鄉會試考官等聽候宣旨請添派御史稽察一摺每科鄉會試屆期所有正副考官及同考御史等官自應遵照定例在午門前恭候宣旨謝恩卽行入場近日竟有不到午門前祇候在家得信徑赴貢院者殊非敬事慎密之道著照所請嗣後添派滿漢御史各一員查收應行聽點職名除內廷行走

與是日在圓明園奏事及有執事各員先期行知都
察院外如有無故不到者卽將該員叅奏扣除不准
入場仍交部議處欽此

武會試派巡管叅領兵丁

一武會試射馬步箭時每圍派定兩旗各派叅
領一員兵丁十名巡管辰字圍鑲黃正黃兩
旗宿字圍正白正紅兩旗列字圍鑲白鑲紅
兩旗張字圍正藍鑲藍兩旗兵部先期行文
八旗滿洲蒙古漢軍都統照數派撥將各職
名送部提調官臨時查點

武鄉會試分圍掣籤

一會試各省武舉於試期前一日兵部堂官率同提調司員酌量各省人數多寡分爲四冊繕籤封固俟宣

後公同掣籤分隸四圍考試至順天武鄉試將八旗滿洲蒙古漢軍以及各府州縣武生暨並非武舉出身之千把總等官人數由順天府府尹按名勾派分爲四冊先行造報兵部繕籤封固俟宣

旨後公同在部掣籤分閫考試其各直省武鄉試應

聽各總督巡撫照例辦理

武圍考試外場按省分排

一武圍考試外場各按省分排定次序以十人爲一排如末排不足十人之數五人以上另作一排若不足五人卽附入前排之末不得以別省之人附入以便稽查

外圍監射大臣不准歸私宅

一武會試及順天府武鄉試外圍監射大臣并
兵部堂官於宣

旨後卽不准歸私宅亦不准在外圍附近武舉之處
居住俱於城內距外圍稍遠之處住宿以遠
嫌疑

外圍考試大臣不准多帶跟役

一武會試及順天府武鄉試外圍監射大臣不准隨帶官員其隨帶跟役亦概不得過四名至兵部供役人等俱交提調嚴行管束如有踈縱由監試御史指名叅奏交吏部議處

武舉中式後覆勘馬步箭技勇

一會試武舉揭曉後兵部於

殿試之前將近派親王郡王兼管都統之親王郡王六部滿漢堂官開列並將上次會否

欽派阿哥覆試之處聲明請

旨

欽點二三員傳集中式武舉覆勘馬步箭並按照會試原冊所填弓刀石觔重號數逐一演試如前後參差者卽行叅奏將該武舉罰停

殿試一科其原挑取之監射大臣較射大臣附參

交部議處

例軍機處分則
例吏部門

磨勘各省武鄉試題名錄

一各省武鄉試題名錄內各武生姓名之下將
年歲及所中馬步箭枝數并弓刀石筋力分

晰註明進

呈俟

勅發後交兵部覈對辦理其中有馬步箭於五枝定
額之外雖能多中而三項技勇內有二項二
號者罰停會試一科一項二號一項三號者
罰停會試二科二項三號者罰停會試三科

如馬步箭僅中五枝又有二項三號者卽將
本生所中武舉斥革考試官各按取中名數
多寡分別議處倘本未合式捏飾浮開別經
發覺除考試官議罪外將武舉斥革訊究統
俟各省題名錄覈對完竣後彙總具題其順
天武鄉試錄係兵部侍郎會同順天府府尹
府丞較射例應迴避應將內閣吏戶禮刑工
等部都察院通政使司大理寺銜名開列奏
請

欽點二三員磨勘以壯瞻徇

武鄉會試錄開列親王書名

嘉慶十三年十一月內奉

上諭昨順天府進呈本年武鄉試錄所有開列監射大臣銜名惟成親王未經書名因命軍機大臣檢查前數科武鄉試錄所開監射親王是否如此及查到近科試錄內於成親王定親王則不書名於莊親王榮郡王則書名體例殊未畫一君前臣名禮所宜然該府尹等排纂試錄竟係以意爲之殊屬非是所有此次進呈武鄉試錄之順天府府尹等著交部議處嗣

後進呈武鄉會試錄於派出諸王均著一例書名以昭敬事之義欽此

殿試開列稽察讀卷等官

一會試中式武舉

殿試默寫武經前一日內閣刊刻題紙兵部預期
奏請

欽派護軍統領一員帶領護軍校等在內閣前後門
外嚴密稽查其

殿試默寫武經讀卷官將內閣吏戶禮刑工等部
都察院通政司大理寺翰林院詹事府等各
衙門咨送堂官職名開列監試官將都察院

咨送御史職名開列受卷彌封收掌等官將
內閣翰林院詹事府六科咨送職名開列填
榜官將內閣咨送中書開列均於

殿試前一日將讀卷官爲一摺監試等官爲一摺
分繕清單奏請

欽點讀卷官四員監試官四員受卷官四員彌封官
四員收掌官四員填榜官十二員於宣

旨後各令敬謹襄事提調官由兵部滿漢堂官辦理
執事司員兵部將滿漢司員筆帖式自行酌

擬派用巡綽官供給官將鑒儀衛光祿寺送
到人員分令敬謹襄事似毋庸開列具奏

殿試定式

嘉慶十九年八月內奉

旨向例武殿試御紫光閣第一日閱視中式武舉馬步射第二日閱視技勇畢回宮卽於是日帶領引見諸武舉由西苑門進內趨走不無擁擠本科武殿試朕於十月十八日御紫光閣閱視馬步射十九日在景運門外御箭亭閱視弓石回宮後帶領引見二十日陞殿傳臚著爲令欽此

一會試武舉揭曉後兵部將

殿試默寫武經及考試馬步箭弓刀石并傳臚日

期奏請

皇上親臨

紫光閣

景運門外

御箭亭或派王大臣考試之處候

旨遵行

皇上親臨考試兵部於考試默寫武經後十月十八

日先將黃冊陳設

紫光閣

皇上親閱黃冊考試馬步箭十九日在

景運門外

御箭亭考試弓刀石回

宮後兵部將中式之人帶領引

見恭候

欽定甲第交讀卷官填榜二十日

陞殿傳臚如派王大臣考試將擬在前列者帶領引

見恭候

欽定

殿試派出護軍各帶腰牌

乾隆四十三年四月內奉

上諭昨因殿試舉人周榮遺失帽褂據監試王大臣只將侍衛班領及侍衛護軍叅領等叅奏朕卽經降旨監試王大臣係特派總理之人考試一切事宜俱應伊等管轄辦理今以致應試之人失去物件俱係伊等並未預行妥協辦理嚴加管束所致是以將監試王大臣一併交部察議其看考護軍等護軍統領只照數派出交與伊等以備使令進入內廷後護軍統

領卽不能約束其作何分管照料之處俱應監考王
大臣擬辦况一人擬定護軍二名照料有何不周此
皆年久相沿以致疎懶嗣後亦照校尉之例給與腰
牌出派某人照料某人之處註明腰牌著落照料倘
有事故指名查辦亦屬甚易欽此

殿試武舉開弓違式罰停

殿試

嘉慶七年十月內奉

上諭本日朕御紫光閣親試中式武舉內安徽沙殿元雲南彭萬年江蘇沈彪三名開弓甚覺勉強殊屬違式本應將伊等停科並將監射覆試王大臣等分別議處但念各武舉業經欽派大臣覆試若於殿試時又復加以駁斥轉似覆試之例徒屬具文且此次尚未預經降旨是以姑寬仍將沙殿元等三人用爲備

守備其監射大臣弘融普福莫瞻棻成書覆試王大臣儀親王永璇成親王永理長麟額勒布吉綸俱從寬免其議處著傳旨申飭嗣後殿試武舉如有似此技藝平常者經朕看出必將該舉子停科監射覆試王大臣一併議處欽此

嘉慶十年十月內奉

上諭本日朕御紫光閣閱看會試中式各武舉馬步箭中者甚少弓刀石俱屬平常姑念其技藝稍可者照例分別錄用惟內有湖南省武舉譔思棠廣東省武

舉鄧天保二名照所註弓力試看俱不能開似此技藝庸劣前此會試及覆試時如何閱看殊屬草率又有安徽省武舉孫文湧一名開試十二力弓後忽又跪奏乞恩當命王大臣向其詢問據稱求再賞開十四力之弓等語尤屬膽大冒昧該武舉既能開十四力之弓何以不於會試覆試時求請開試乃敢於朕前奉行陳請實屬從來未有之事此三名本應俱罰停殿試念係初次違式干冒伊等草莽新進姑不加以責備所有譙思榮等三名已加恩仍以衛守備

錄用矣至武會試掄才大典監試覆試均應認真校閱其技藝平常者豈應濫行與選二阿哥初次派令覆試已著軍機大臣面行傳旨申飭其餘會試時校看武舉謹思榮之莊親王總領尚書明亮校看武舉鄧天保之公綿佐尚書鄒炳泰及派出覆試之成王王定親王綿恩協辦大學士費淳尚書長麟均著交宗人府吏部都察院分別察議嗣後若再有似此開弓違式並冒昧乞恩者本人均應罰停殿試其會試覆試派出之王大臣若不認真校看致朕親閱時有

如謚思棠鄧天保二人之閒弓遊式者一併交部議處欽此

殿試傳臚及一同下馬宴會武宴並內外場宣
旨各禮節

一十月十五日

殿試默寫武經

皇上不陞

殿先一日鴻臚寺官設題目黃案一張於

太和殿內西旁又設黃案一張於

殿外丹陛上正中光祿寺官備試桌於丹陛下東

西向鑾儀衛校尉以次排設

殿試日清晨內閣官捧題設於

殿內西旁黃案上兵部鴻臚寺官俱穿補服引中

式武舉進

午門兩掖門於丹墀下兩旁排立讀卷官及執事
各官具朝服於丹墀下兩旁排立畢內閣官
將題目於案上舉起在

殿簷下授於兵部堂官兵部堂官跪受舉起由中
路至丹陛上黃案前跪設於黃案上行三叩
頭禮贊禮官於黃案旁立讀卷執事各官恭

贊在丹墀下排班行三跪九叩頭禮畢回至
原處立中式諸武舉亦聽贊禮官贊排班行
三跪九叩頭禮畢於立處站立兵部官舉起
題案至丹墀下散題中式諸武舉跪受行三
叩頭禮畢起各赴試桌默經畢受卷彌封掌
卷等官俱於左廡階下收封畢用箱盛貯擡
送授讀卷官公閱

一十月二十日清晨鹵簿大駕於

太和殿前全設諸王以下公以上於丹陛文武各

官於丹墀俱穿朝服侍班各武進士等俱穿
公服戴三枝九葉頂侍班於丹墀下班末兩
旁兵部鴻臚寺官安設

黃榜案於

太和殿內西旁東旁亦設一黃案復設黃案一張
於丹陛上正中陳設畢兵部堂官鴻臚寺堂
官奏請

皇上具禮服出宮

午門鳴鐘鼓兵部堂官鴻臚寺堂官引

皇上陞

太和殿作樂鑾儀衛官贊鳴鞭鳴鞭三讀卷官各
執事等官聽鴻臚寺鳴贊官鳴贊行三跪九
叩頭禮畢內閣官白案上取榜舉起在

殿簷下授於兵部堂官兵部堂官跪受舉起由中
階右旁下跪安於丹陛正中所設黃案上行
三叩頭禮畢鴻臚寺官導引各武進士入拜
位排班侍立鴻臚寺官贊有

制跪各武進士皆跪鳴贊官立於丹陛東旁傳

制曰奉

天承運

皇帝制曰殿試天下武舉第一甲賜武進士及第第二甲賜武進士出身第三甲賜同武進士出身贊第一甲第一名某人第一甲第一名上前跪贊第一甲第二名某人第一甲第二名亦上前跪贊第一甲第三名某人第一甲第三名亦上前跪又贊第二甲第一名某人等若干名第三甲第一名某人等若干名訖聽贊禮

官贊行三跪九叩頭禮畢同至原處侍立兩旁贊禮官贊舉榜兵部堂官舉榜由中階下置於雲盤內兵部司官恭捧張蓋由中路出太和門

午門中門跪置

龍亭內行三叩頭禮鑾儀衛校尉舉起樂部和聲署作樂舉至西長安門外張掛於長安街給武狀元盛甲諸武進士俱隨出觀榜鑾儀衛官贊鳴鞭鳴鞭三

皇上還宮諸王以下文武百官皆出巡捕營備傘蓋
儀從送狀元歸第傳臚次日武狀元等在兵
部筵宴筵宴次日武狀元率領諸武進士於
午門外上

表謝

恩表文係兵部司員帶領武狀元送交內閣典籍廳
一九月初四日滿漢提調官赴內閣領監射大
臣監試御史題本所有本內開列監射大臣
監試御史等齊集

午門前聽候宣

首後監射大臣監試御史行三跪九叩頭禮鴻臚寺
鳴贊官列兩旁不贊禮謝

恩畢兵部堂官卽將各省武舉勻派名數於朝房內
掣分四圍所有監射大臣表裏二端銀花一
對較射大臣監試御史並執事各官各銀花
一對俱在

午門前分給監射大臣較射大臣監試御史俱各
赴德勝門內附近廟宇住宿

一九月十三日黎明滿提調官赴內閣領主考
執事各官題本所有本內開列主考等官齊
集

午門前聽候宣

旨後主考等官俱朝服鴻臚寺鳴贊官旁立不贊禮
主考並知武舉執事等官行三跪九叩頭禮
謝

恩畢執事鼓樂送主考等官入貢院知武舉至貢院
至公堂送考試官入內簾封門

順天武鄉試開列監射等官

一八旗滿洲蒙古漢軍直隸各府並奉天府屬
各學武生俱在順天府鄉試外場監射司員
兵部照例派往其監射大臣兵部將領侍衛
內大臣滿洲大學士都統等職名開列

欽點四員至較射大臣兵部將滿漢侍郎職名開列
欽點二員會同順天府府尹府丞監試御史分圍考
試並將上科有無

欽派阿哥之處加籤聲明其監試御史兵部將滿漢

御史職名開列

欽點滿漢各二員內場正副考官兵部將內閣吏戶
禮刑工等部都察院翰林院詹事府漢堂官
職名開列

欽點二員內簾監試御史兵部將滿漢御史通行開
列

欽點滿漢各一員外簾官兵部將由科甲及恩拔副
貢正途出身之員外主事中書評事博士助
教等官開列

欽點四員俱於臨期密題請

旨

文鄉會試武鄉會試內場題派彈壓副都統

嘉慶八年三月內奉

諭向來凡遇考試每翼出派彈壓副都統叅領各員俱由該部具本夾單進呈題請欽派但叅領章京人數衆多皆非朕所素識是以每次點派副都統時必查明該副都統所管旗分之叅領章京點派特以本旗副都統差委本旗叅領章京可以得力嗣後凡遇考試時該部只將副都統題請欽派其叅領章京等不必題請欽派著點出之副都統自行派其所管

旗分之叅領章京等帶領赴闈彈壓著爲令欽此

一文鄉試由順天府丞先期咨呈兵部文會試
由禮部先期移咨兵部兵部咨取八旗副都
統職名按左右翼密本題請

欽點副都統各一員入闈彈壓各旗副都統於兵部
咨取職名時卽各派所管旗分之叅領一員
章京一員並將本旗老成勤慎能識清漢字
領催挑選五名於宜

奏之

午門前預備如蒙

派出卽將該叅領章京領催等帶領入關凡應訖旗
人漢人所編號房柵欄之外俱令領催等加
意看查照卷面字號放進封號後率同叅領
等稽察不許私出若該副都統等管轄不嚴
照不行嚴查禁止例議處其跟役人等副都
統許帶五名叅領章京等官許各帶三名至
應試人等出場畢副都統叅領章京領催等
亦各卽行出關回旗辦事

一武鄉會試內場兵部先期咨取八旗副都統
職名下掄左右翼密本題請

欽點副都統一員入場彈壓所有帶領入闈之叅領
章京筆帖式等入場內彈壓各事宜均照文鄉

會試辦理

武鄉會試開列迴避官員

一開列武鄉會試主考官及監試御史知武舉
提調收掌等官時各處應送人員內如有籍
隸本省及有本族並有服姻親考試者卽自
行呈明不必開送均於文內聲明並無應行
迴避之人始列入本內倘不自行呈明經
欽點入場其應行迴避之人因而中式者卽照例將
本官革職該生斥革

武鄉會試編好字號

武會試及順天府武鄉試該監試大臣會同
兵部堂官監試御史各攜名冊一本將挑選
弓馬技勇漢仗好者分別雙好單好密行填
註每圍各備一箱每晚將冊入箱封鎖箱交
提調官收掌箱鑰交與監試御史次日公同
取出較閱外場事畢分定雙單好字號將三
冊一併封固入箱交提調送入貢院箱鑰交
與監試御史帶入內場除未能入選之各武

舉武生名下將如何未經挑取之處通示外
仍將挑入各姓名出示曉諭令入內場至分
雙單好之處仍照例密印於監箭冊姓名之
上嚴加封固送入內場以防洩漏內場收卷
後交彌封官彌封送外簾御史各照原箭冊
印明雙單好字號馬箭地毬步箭弓刀石於
各卷面上分六項填註移送內簾如不行慎
密以致洩漏雙單好字號及誤註弓箭技勇
者將監試大臣及外簾御史彌封官分別交

吏兵二部議處其取中試卷先於雙好字號
內擇其字畫端楷者選取如不足額再於單
好字號內選取至各省武鄉試將弓馬技勇
漢仗好者另行記註編列雙單好字號移送
內簾仍將未能入選之人於各名下註明因
何未經挑取之處出示曉諭

武會試內場具奏事件

一武會試內場雙單好數目令知武舉官於舉
子出場次日繕寫上三科比較中額並本科
雙單好數目開單奏請

欽定至進

呈題目並揭曉日期暨進

呈題名錄中式武舉墨卷均歸知武舉具奏

武鄉會試卷彌封

嘉慶十六年十月內奉

上諭御史吳椿奏請將武闈鄉會試卷彌封加厚一摺
武闈考試以外場爲重其內場不過默寫武經然旣
用彌封何得有名無實著照該御史所請嗣後武闈
鄉會試卷糊名之處照文鄉會試一律加厚以符定
制欽此

一武鄉會試試卷暨

殿試卷卷面彌封另以白紙兩頁襯帖卷中以昭

嚴密

武會試中額

一武會試內場知武舉於舉子入場後卽將八旗滿洲蒙古漢軍及直隸各省挑入雙單好武舉實數分晰開明並將上三科比較中額一併繕寫清單具奏恭候

欽定中額移送內簾按額取中

武鄉試中額

一直省武鄉試河南駐防取中三名山西駐防
四名江南駐防八名福建駐防滿洲六名漢
軍一名浙江駐防四名陝西駐防十名甘肅
駐防八名四川駐防一名山東駐防三名湖
北駐防六名廣東駐防滿洲二名漢軍三名

欽奉 上諭
恭載入旗學政門

順天一百六十四名
內取入旗滿洲蒙古十
三名漢軍四十名奉天
三名江南六十三名浙江五十名江西四十四

名湖北二十五名湖南二十四名福建五十
名山東四十六名山西四十名陝西五十名
甘肅五十名四川四十名廣東四十四名河
南四十七名雲南四十二名貴州二十三名
廣西三十名

武舉重赴鷹揚宴

嘉慶十五年十一月內奉

上諭董教增奏據藩司朱勲詳稱陝西朝邑縣武舉蘭廷薦係乾隆庚午科中式呈請重赴鷹揚宴當卽查照向例會同本科新中式之武舉一同入宴並捐給花紅表裏等語向來各直省文闈鄉試遇有本省應行重赴鹿鳴宴者該督撫於先期具奏朕疊經降旨施恩錫予加銜以昭渥典文武兩闈事同一例所有武舉蘭廷薦著加恩賞給千總銜嗣後各直省鄉試

遇有武舉應行重赴鷹揚宴者並著該督撫先期具奏請旨候朕施恩著爲例欽此

重赴鷹揚宴分別題奏

一三品以上武職無調現在在籍其中式科分
適遇花甲已迴應重赴鷹揚宴者該省督撫
專摺具奏其四品以下以及未經出仕武舉
俱咨部於科場事竣彙總具題

新中武進士賞賚

一傳臚後賞給武狀元盔甲等項移咨工部備辦其餘武進士各賞銀五兩屆期奏

聞移咨戶部照數包封在

午門前賞給

武會試筵宴奏派管宴大臣

一武會試監射大臣主考等官於揭曉次日下馬宴一次傳臚次日會武宴一次在兵部共筵宴二次俱應派護軍統領一員帶領護軍叅領護軍等管束筵宴兵部將八旗護軍統領內除宗室兼護軍統領者毋庸開列其餘俱全行開列恭候

欽點一員赴兵部管宴倘遇忌辰日期俱赴部簪花停其筵宴又會武宴應

遣內大臣一員主宴屆期兵部具奏交領侍衛內大

臣奏派內大臣一員赴兵部主宴

外省武鄉試監射

一各省考試武舉該省巡撫監臨主考其考試
弓馬技勇在總督巡撫同城省分卽令總督
會同考試若總督隔省及總督巡撫俱係漢
員卽調就近省城之提督總兵一員公同考
試如提督總兵駐劄路遠或因公他出由該
省總督或提督總兵派委副將一員代之

巡撫主試武場停帶武巡捕

一各省巡撫主試武場祇令隨帶文巡捕官傳
稟事件其武巡捕官概行停止

謄印試卷

一武闈取中試卷填榜時查對原冊有單好字
號謄印雙好雙好字號謄印單好者其謄印
試卷之彌封人員照例查叅交吏部議處

武場試錄

一武會試錄兵部刊刻恭

進順天武鄉試錄該府尹刊刻恭

進其各省武鄉試錄移送兵部於次年四月底彙

齊五月內具題恭呈

御覽如各省造送遲延於本內附叅查取職名照例

議處

武闈派撥營弁

一在京武鄉會試入內場先期行文步軍統領
派巡捕營弁二員各帶兵二十名於東西外
磚門內照冊點名搜檢放入內磚門大宛二
縣在大門兩旁照牌點進大門內仍令千總
搜檢監試御史按名給卷一切送考人等不
許擁入磚門其場外牆垣先期行文步軍統
領都察院派撥五營五城弁兵員役晝夜巡
查

文鄉會試派撥營員

一順天文鄉試派巡捕營叅遊一員守備三員
入場供事文會試派叅遊一員守備四員入
場供事兵部先期行文步軍統領衙門將應
派營分各員職名通行咨送兵部于考官入
闈之日黎明齊集兵部聽候兵部堂官當堂
照數掣定派委司員帶至貢院卽行入場不
許逗遛並將各員銜名造冊送交至公堂並
外場御史查點至隨帶兵役叅遊不得過三

名守備不得過二名並令應派營員先期造冊由步軍統領衙門咨報兵部以備查覈

搜檢入場跟役

一入闈官員之跟役及執事人等入場時概行
嚴加搜檢倘有串通士子代爲懷挾情弊交
該管衙門從重治罪將本官照失察家人犯
贓例議處

武職會同學政考試弓馬

一八旗滿洲蒙古漢軍及在京大宛兩縣武童
考試時兵部將八旗副都統職名開列具題
恭候

欽點一員會同順天學政考試其各直省滿洲蒙古
漢軍駐防及各州縣考試弓馬時該總督巡
撫提督總兵將就近副將叅將遊擊將選擇
一員會同學政考試奉天府考試時

盛京將軍選派協領一員會同奉天府府丞考試

各照鄉試之例將武童內弓馬嫻熟技勇優長者分別雙好單好字號令入內場由學政秉公比較取進其不能列好字號者不准入內場

一內場考試默寫武經由學政擬出一段約一百餘字有不能書寫或塗寫錯亂者卽爲違式

武童驗對親供

一武童考試外場騎射時每人給親供一紙各親書籍貫三代年貌俟取進時再覆寫親供以絕內外場移用印記調換試卷之弊

武舉填寫親供

一各省武鄉試於三場完畢卽出示曉諭令應試武生等候發榜監臨督撫同提調監試各官點齊中式武舉赴貢院取同填寫親供卽同試卷一併解部磨對筆跡如有抗違不到並筆跡不符者卽照例題叅吏部分別議處治罪

武生武舉捐職准鄉會試

- 一由武生武舉捐職未選願與鄉會試者准其
 - 一體應試中式者造入新冊不中者仍各歸
- 原班選用

武生考拔外委准武鄉試

一在營食糧武生拔補外委後學冊已經除名
卽由該營造送准其一體入場鄉試

千把等官准應武鄉會試

一各直省營千總把總年滿千總並門衛所千
總係武舉出身者准應武會試其非武舉出
身者准應武鄉試如武舉出身願應武會試
者由步軍統領總督巡撫提督總兵給與文
批令其赴部其年滿千總在京候推者兵部
臨期出示令其自行赴部具呈同武舉一體
會試如不中仍各歸原職如非武舉出身願
應武鄉試者准以各本職同武生一體應試

俱於原額內取中其馬步兵丁有情願考試者應令各歸本籍與武童一體考試果能取中武生再准鄉試

武生捐監准入文闈

一武生捐納監生既註銷武生准入文闈鄉試
不得更入武闈

武舉無故不會試

一武舉無故三科不赴會試恃有護符在家生
事者查明分別戒飭咨革如實有親老等情
不能赴試者該督撫查覈報部免其查議

武生武舉六十以上停送鄉會試

一武生武舉有實在年逾六十者停其咨送鄉

會試

在籍武舉緣事咨部斥革

一在籍武舉有犯法應行斥革審訊者該總督巡撫一面究審一面將中式科分名次緣事案由聲明咨部斥革兵部註冊咨覆仍行彙題如審係無辜卽將本人咨部具題開復若該武舉本無劣蹟而地方官挾嫌借端故捏揭報者審出之後將地方官照捏報劣員例交吏部議處

會試武舉不到查追盤費銀兩

一各省會試武舉支領盤費銀兩如有中途患病丁憂者呈明所在地方官驗明確實出具不致扶同徇庇捏飾印結申報上司轉詳總督巡撫彙冊咨報兵部兵部據冊咨明戶部并知照該舉人本省總督巡撫若已到京有患病丁憂等事不能應試者取具同鄉六品以上京官印結徑投兵部查覈確實知照本省總督巡撫戶部存案於奏銷時覈對不到

舉人內有案者免其追繳如該舉人假捏呈報沿途地方官及在京出結官不行查明徇情濫結者將該舉人照例叅處出結各官照不行查明給結例議處至不到應試舉人應追原領銀兩勒限半年完繳咨報戶部查覈如逾限不清承追官照雜項錢糧未完例議處

各省武童毋許濫行保考

一各直省新進武童學政於覆試時應嚴行稽
查並責令送考之府廳州縣官飭廩保等毋
許濫行保考倘學政考試時竟有不識文字
及未能書寫者卽將該生斥革送考官照濫
行保送例議處廩保發學懲辦

武生告退考文

一武生文義尚優不能騎射情願告退者准其
告退與文童一體考試

武生告頂

一武生年屆六十雖入學未經十科亦准給與
衣頂

禁止頂替代倚

一武鄉會場應試人等俱取同省同考五六連
~~名互~~結無結者不准考試頭場馬箭合式者
卽印左臂二場驗明准其考試步箭技勇二
場合式者印記右臂三場驗明准其入場考
試默寫武經倘有冒名頂替者許互結之人
立時出首其卷面所用號印該監試提調同
受卷彌封等官在至公堂分卷親用歸號之
後巡綽官按號查驗倘有不符查明究問至

交卷時校對外場較射冊內查係雙單好字
號者視原填某號技勇鄉試令提調監試各
官會試令知武舉官會同監試御史覆驗若
一二項相符卽給籤放出如全不相符查係
頂冒照例治罪

禁止冒籍

一各直省考取武生俱分別大學中學小學名數考取報部如祖父入籍二十年以上墳墓田宅俱有的據方准赴試其有籍貫假借者武童不准考試武生卽行斥革至考取武舉之武生該學政取具並無詭冒連名保結細加查驗倘有別省人詭名冒籍卽交提調官從重究處

武生情願入伍食糧准其兼充

乾隆三十八年十月內奉

旨向例武生不准入伍食糧必須註銷武生方准充補
不過以武生名列膠庠稍存優異甚屬無謂此乃沿
襲明季陋習亦如從前武職小銜之兼大銜騫虛名
而鮮實濟何如一舉而剔除之乎况武生鄉會試中
式後其所得官職亦不過綠營弁員則以武生在營
學習當差尤屬有益且其充伍食糧出自本人心願
並非強令從事若充補名糧以後或恃符貽誤營務

差操或托故不服教職管束則各有應得處分亦悉由其自取又何必因此鰥鰥過計乎嗣後如武生有情願入伍食糧者准其呈報學政卽令兼充毋庸將武生註銷著爲令欽此

文生員監生不許入伍食糧

一文生員監生均不許入伍食糧如營員濫收

入伍者照例議處

例載處分則
例營伍門

隨營武生兵生停止歲試

一各省隨營武生并由馬步守兵考試取中仍食原糧之武生均一體隨營差操較拔停其歲試該管官不得以武生少存優異倘有恃矜滋事者失察之專管官兼轄統轄各官分別議處

例載處分則
例營伍門

若該管官徇縱不舉者

照例議處

例載處分則
例營伍門

如遇鄉試之年由該

營將備查明有無丁憂事故覈送學政錄科

隨營武生加捐千把職銜仍照行伍例
一在營食糧効力武生如有遵例加捐營千總
把總職銜情願回營當差者准其回營食糧
仍照行伍例拔補不得以捐有職銜遽照職
銜拔補

隨營武生過犯卽由營員辦理

一隨營武生遇有過犯准營員照例責處毋庸
發回本學如所犯情節較重各上司卽按律
辦理一面咨會學政斥革

入伍武生如革去名糧武生亦一併斥革

一武生情願充伍食糧者該學政擇其年力強壯技藝較優之武生咨營充補充補之後營員時加訓諭倘有始勤終怠者革去名糧併武生亦卽行移咨斥革

隨任子弟食糧

一武職官員隨任子弟有弓馬人材實係出眾者准其於隔屬別營充伍食糧該管各員秉公選拔收伍與該營兵丁一體操防差委考拔如有瞻徇該督撫提鎮據實糾叅照徇情

例議處

例載處分則
例營伍門

放出家奴出仕限制

乾隆四十八年三月內奉

上諭向來滿漢官員人等家奴在本主家服役三代實在出力者原有准其放出之例此項人等既經伊主放出作爲旗民正身亦未便絕其上進之階但須明立章程于錄用之中仍令有所限制嗣後此等旗民家奴合例後經該家主放出者滿洲則令該家主於本旗報明咨部存案漢人則令該家主於本籍地方官報明咨部存案經部覆准後准其與平民一例應

考出仕但京官不得至京外官不得至三品以示
限制著爲令欽此

軍流入籍考試

一軍流入籍考試到配後所生成丁者准作軍籍其本籍所生之親子孫或並無親子久經立繼有案之子於發配時隨行者地方官查明分別年歲填註文批遞交配所地方官立案俟扣定十年准其入籍該督撫一面報部一面移咨本省不准復回原籍考試

番役子孫應試限制

一番役子孫准其應試武場仍不得由文途考

試以示限制

詳見儀制門

士子罷考

一凡聚眾罷市罷考打官脅制等事將爲首爲從及逼勒同行之武生童生照依光棍例分別治罪其不行查拏之該管武弁革職

簽運武生補考歲試

武生簽運漕糧如遇歲試之年呈明學政運

回補考